





白知錄卷之三十一

○河東山西

河東山西一地也。唐之京師在關中而其東則河故謂之河東。元之京師在薊門而其西則山故謂之山西。各自其畿甸之所近而言之也。

古之所謂山西卽今關中。史記太史公自序蕭何填撫山西方言自山而東五國之郊郭璞解曰六國惟秦在山西。王伯厚地理通釋曰秦漢之間稱山北山南山東山西者皆指太行以其在天下之中故指此山以表地勢正義以爲華山之西非也。

○陝西



後漢郡國志陝縣有陝陌即今之陝州二伯所分故有陝東陝

西之稱水經注河水又東得七里澗澗在陝西七里宋書

柳元景傳龐季明率軍向陝西七里谷北史魏孝武帝紀

高昂率勁騎及帝於陝西舊唐書太宗紀貞觀十一年九

月丁亥河溢壞陝西河北縣今平陸縣肅宗紀乾元三年四月

庚申以右羽林大將軍郭英又為陝州刺史陝西節度潼

關防禦等使肅宗諸子傅杞王僅可充陝西節度大使李

渤傳澤潞節度使緜士美卒渤充弔祭使路次陝西按其

已至閩鄉縣回紇傳廣平王副元帥郭子儀領回紇兵馬與賊

戰於陝西皆謂今陝州之西後人遂以潼關以西通謂之

陝西

晉時以關中為陝西晉書宣帝紀西屯長安天子命之曰

昔周公旦輔成王有素雉之貢今君受陝西之任有白鹿

之獻張實傳愍帝末拜都督陝西諸軍事張華祖道梁王

彤應詔詩二跡陝西實在我王是也東晉則以荊州為陝

西南齊書曰江左大鎮莫過荆揚周世二伯總諸侯周公

主陝東召公主陝西故稱荊州為陝西也宋書荊州刺史

昌陶侃前治沔陽後治武昌王廙治江陵庾亮治武昌庾

翼進襄陽復還夏口桓溫治江陵桓冲治上明王說還江

陵此後遂治江陵而晉考之於史桓冲為荊州刺史安帝

詔曰故太尉冲昔藩陝西忠誠王室毛穆之傳度翼專威

陝西劉毅為荊州刺史安帝詔曰劉毅推轂陝西南史宋

文帝紀命王華知州府留鎮陝西宋書蔡興宗為輔國將



軍南郡太守行荊州事袁顛曰舅今出居陝西鄧琬傳晉安王子勛檄曰前將軍荊州刺史臨海王子頊練甲陝西獻徒萬數是也

亦有稱陝東者晉書載紀劉聰署石勒大都督陝東諸軍事又加崇為陝東伯慕容暉載記秦揚兵講武運粟陝東唐太宗為秦王時拜使持節陝東道大行臺

○山東河內

古所謂山東者華山以東管子言楚者山東之強國也史記引賈生言秦諸侯山東三十餘郡後漢陳元傳言陛下不當都山東光武都雒陽蓋自函谷關以東總謂之山東唐人則以太行山之東為山東杜牧謂山東之地馬九土曰冀州是也而非若今之但以齊

陶云戰國策蘇秦  
王多秦二陸山東  
之國以風而服使  
趙大至秦意王仍  
齊人欲以一人之指  
及後山東之君皆  
以秦史元國侯  
世家對秦說書

晉為山東也古所謂河內者在冀州三面距河之內史記正義曰古帝王之都多在河東河北故呼河北為河內河南為河外又云河從龍門南至華陰東至衛州東北入海曲繞冀州故言河內蓋自大河以北總謂之河內而非若今之但以懷州為河內也

○吳會

宋施宿會稽志曰按三國志吳郡會稽為吳會二郡張紘謂收兵吳會則荆揚可一孫賁傳云策已平吳會二郡朱桓傳云使部伍吳會二郡全琮傳云分丹陽吳會二郡險地為東安郡是也前輩讀為都會之會殆未是錢康功曰今平江府署之南名吳會坊漢書吳王濞傳上患吳會輕

帝內中左右大臣皆  
晏案後漢書光  
傳八山至是問  
乃西入閩 楚亦相  
秀考問之  
國云按左傳信十五  
年陸秀伯以河外列  
城五注河外河而也  
心一評也非國東  
蘇子為趙合從說  
魏王曰大王之地北有  
河外外臣河外即河  
南地不又一於而史  
記產頗南相外  
秦王欲與趙王合  
于河外河外也注  
石西河之南故云  
外則又一於矣又  
相國策黃歇說  
秦王曰王又舉  
甲兵而攻魏社大  
梁之門若何內廷



義曰平懷州也  
河布之北西河一東  
三河之西是古未  
考不以懷州為河  
內也漢書地理志  
河內郡有懷州  
下注曰若曰河內  
是若以懷為河  
內

悍按今本史記漢書竝作上患吳會稽不知順帝時始分  
二郡順帝紀永建四年漢初安得言吳會稽當是錢所見  
本未誤後人妄增之本傳吳有章郡銅山亦為後人魏文  
帝詩吹我東南行行行至吳會陳思王求自試表曰撫劍  
東顧而心已馳於吳會矣晉文王與孫皓書曰惠矜吳會  
施及中土魏元帝加晉文王九錫文曰埽平區宇信威吳  
會阮籍為鄭冲勸晉王箋曰朝服濟江埽除吳會陳壽上  
諸葛亮集曰身使孫權求援吳會羊祜上疏曰西平巴蜀  
南和吳會苟勗食舉樂東西廂歌曰既僉庸蜀吳會是賓  
左思魏都賦曰覽麥秀與黍離可作謹於吳會武帝問劉  
毅曰吾平吳會一同天下石崇奏惠帝曰吳會僭逆幾於

百年石勒表王浚曰晉祚淪夷遠播吳會慕容廆謂高瞻  
曰翦鯨豕於二京迎天子于吳會丁琪諫張祚曰先公累  
執忠節遠宗吳會此不得以為會稽之會也蓋漢初元有  
此名如曰吳都云爾胡三省通鑑辨誤太史公謂吳為  
孫賁朱桓傳則後人之文偶合此二字不可以證吳王濞  
傳也

○江西廣東廣西

江西之名殆不可曉全司之地竝在江南不得言西考之

六朝以前其稱江西者竝在秦郡

今六合歷陽今和廬江今廬

州之境蓋大江自歷陽斜北下京口故有東西之名

胡三省

鑑註大江東北流故自歷陽至濡須

史記項羽本紀江西



皆反楊子法言楚分江西三國志魏武帝紀進軍屯江西  
郝谿吳王傳民轉相驚自廬江九江今壽州斬春廣陵戶十  
餘萬皆東渡江江西遂虛合肥以南惟有皖城孫瑜傳賓  
客諸將多江西人晉書武帝紀安東將軍王渾出江西穆  
帝紀江西乞活郭敞等執陳留內史劉仕而叛時分北譙置陳留郡  
鄒鑒傳拜安西將軍兖州刺史都督揚州江西諸軍事鎮  
合肥桓伊傳進督豫州之十二郡揚州之江西五郡軍事  
今之所謂江北昔之所謂江西也故晉地理志以廬江九  
江自合肥以北至壽春皆謂之江西南齊書州郡志左僕射王儉救江西連接  
汝穎今人以江饒洪吉諸州為江西是因唐貞觀十年分天  
下為十道其八曰江南道開元二十一年又分天下為十

五道而江南為東西二道江南東道理蘓州江南西道理

洪州後人省文但稱江東江西爾始見於舊唐書李暉傳乾元初兼御史大夫持

節都統淮南江東江西節度宣慰觀察處置等使德宗紀建中三年十月辛亥以嗣曹王皋為洪州刺史江西節度使劉禹錫和吳方之詩今歲維中無雨雪眼前風景是江西亦是中唐以後始有此稱今之作文者乃曰大江以西謬矣

今之廣東廣西亦廣南東路廣南西路之省文也文獻通

考太宗至道三年分天下為十五路其後又增三路其十  
七曰廣南東路其十八曰廣南西路

○四川

唐時劔南一道止分東西兩川而已至宋則為益州路後

為成都府路梓州路後改為潼川府利州路今保寧府夔州路廣元縣



謂之川峽四路後遂省文名爲四川

○史記菑川國薛縣之誤

漢魯國有薛縣史記公孫弘傳齊菑川國薛縣人也言齊又言菑川而薛竝不屬二國殊不可曉正義曰表云菑川國文帝分齊置都劇括地志云故劇城在青州壽光縣南三十一里故薛城在徐州滕縣界地理志薛縣屬魯國按薛與劇隔兗州及泰山未詳今考儒林傳言薛人公孫弘是弘審爲薛人上言齊菑川者誤耳

後漢郡國志薛本國註引地道記曰夏車正奚仲所封家在城南二十里山上皇覽曰靖郭君家在魯國薛城中東南阪孟嘗君家在城中向門東向門出北邊門也詩云居

常與許鄭立曰常或作嘗在薛之旁爲孟嘗君食邑史記

越世家願齊之試兵南陽莒地以聚常郊之境索隱曰常

邑名蓋田文所封者魏書地形志薛縣彭城郡有奚公山

奚仲廟孟嘗君冢水經注今薛縣故城側猶有文冢結石

爲郭作制嚴固瑩麗可尋而史記孟嘗君傳正義曰薛故

城在徐州滕縣南四十四里今淄川縣志據公孫弘傳之

誤文而以爲孟嘗君封邑失之矣

路史云公孫弘生山今淄川南四十里亦誤

又按地理志菑川國三縣劇東安平樓鄉劇在今壽光縣

西南東安平在今臨淄縣東南一十里樓鄉未詳所在又

高五王傳武帝爲悼惠王冢園在齊廼割臨菑東園悼惠

王冢園邑盡以子菑川足明菑川在臨菑之東矣今之淄



川不但非薛并非漢之菑川乃般陽縣耳以爲漢之菑川而又以爲孟嘗君之薛此誤而又誤也

○曾子南武城人

史記仲尼弟子傳曾參南武城人澹臺滅明武城人同一武城而曾子獨加南字南武城故城在今費縣西南八十里石門山下正義曰地理志定襄有武城清河有武城故此云南武城春秋襄公十九年城武城左氏註云泰山南武城縣然漢書泰山郡無南武城而有南成縣屬東海郡後漢書作南城屬泰山郡至晉始爲南武城此後人之所以疑也宋程大昌澹臺祠友教堂記曰武城有四左馮翊泰山清河定襄皆以名縣而清河特曰東武城者史記平原君傳

封于東武城

以其與定襄皆隸趙且定襄在西故也若子游之

所宰其實魯邑而東武城者魯之北也故漢儒又加南以

別之史遷之傳曾參曰南武城人者加也子孫傳必曾

子省文但曰武城而水經注引京相璠曰今泰山南武城

縣有澹臺子羽豕縣人也可以見武城之卽爲南武城也

孟子言曾子居武城有越寇或曰寇至蓋去諸曰無寓人

於我室毀傷其薪木新序則云魯人攻鄆卽費曾子辭于

鄆君曰請出寇罷而後復來毋使狗豕入吾舍仁山金氏言曾子書

有此事作戰國策甘茂亦言曾子處費則曾子所居之武

城費邑也哀公八年傳吳伐我子洩率故道險從武城又

曰吳師克東陽而進舍于五梧後漢志云南城有東陽城

日知錄 卷之三十一 七



引此為證今費縣西南七十里關陽鎮又可以見南城之即為武城也

南城之名見於史記齊滅王曰吾臣有檀子者使守南城

則楚人不敢為寇東取泗上十二諸侯皆來朝漢書但作

南成孝武封城陽其王子貞為南城侯而後漢王符潛夫

論云鄙畢之山南城之家章懷太子註南城曾子父所葬

在今沂州費縣西南此又南成之即南城而在費之證也

晉書南武城縣屬泰山郡費縣屬琅邪郡成化中或言嘉祥之南武山有曾子

墓有漁者陷入其穴得石碣而封志之疑周世未有石碣科斗古文亦非今

人所識嘉靖十二年吏部侍郎顧鼎臣奏求曾氏後裔孫

質粹於吉安之永豐遷居嘉祥十八年授翰林院五經博

士世襲夫曹縣之冉堦為秦相穰侯魏冉之家史記穰侯卒於陶因

若焉水經注濟水又東逕秦相魏冉冢南而近人之撰志者以為仲方如此之

類蓋難以盡信也

○漢書二燕王傳

漢書燕王定國傳殺肥如令郢人按地理志肥如自屬遼

西郡不屬燕武帝本紀元朔元年秋匈奴入遼西殺太守

諸侯王表言武帝下推恩之令而藩國自析長沙燕代雖

有舊名皆亡南北邊矣然則肥如令之殺於燕必在元朔

以前未析邊郡之時也燕王旦傳發民會圍大獵文安縣

以講士馬其上云武帝時且坐臧匿亡命削良鄉安次文

安三縣是文安已削不屬燕又云昭帝立大將軍霍光秉

政褒賜燕王錢三千萬益封萬三千戶昭帝本紀亦云始

政褒賜燕王錢三千萬益封萬三千戶昭帝本紀亦云始



元元年益封燕王廣陵王及鄂邑長公主各萬三千戶然則文安縣之仍屬於燕必在益封萬三千戶之後也此皆史文之互見者可以參考而得之也

○徐樂傳

漢書徐樂燕郡無終人也地理志無燕郡而無終屬右北平考燕王定國以元朔二年秋有罪自殺國除而元狩六年夏四月始立皇子且為燕王而其間為燕郡者十年而志軼之也徐樂上書當在此時而無終以其時屬燕後改屬右北平耳

○水經注大梁靈丘之誤

左傳桓九年梁伯伐曲沃註梁國在馮翊夏陽縣郤芮曰

梁近秦而幸焉是也漢書地理志云馮翊夏陽縣故少梁

也水經注乃曰大梁周梁伯之居也梁伯好土功大其城

號曰新里民疲而潰秦遂取焉後魏惠王自安邑徙都之

竹書紀年梁惠成王六年四月甲寅徙都於大梁是也是

誤以少梁為大梁而不知大梁不近秦也後漢志河南尹梁故國伯翳後

註引博物記曰梁伯好土功今梁多有城亦誤漢書代郡靈丘應劭曰趙武靈王

葬其東南二十里故縣氏之水經注曰史記趙敬侯二年

敗齊于靈丘則名不因靈王也按史記田敬仲宗世家齊

威王元年三晉因齊喪來伐我靈丘六國表及趙魏韓世家並同趙世

家惠文王十四年相國樂毅將趙秦韓魏燕攻齊取靈丘

十五年趙與韓魏燕共擊齊愾王敗走燕獨深人取臨菑

國云戰國策漢書  
有說伯侯侯曰  
初時魏王伐趙  
戰于三梁注春  
秋秦取梁漢夏  
陽也河內有梁  
周不也也洛陽  
注儀大梁為三  
梁地



而孟子謂蚘鼃曰子之辭靈丘而請士師此別一靈丘必  
在齊境後入於趙胡三省以爲即漢清河郡之靈縣今之  
高唐夏津皆其故地于欽齊乘則云今  
滕縣東三十里明水河之南有靈丘故城而孝成王以靈  
丘封楚相春中君益明其不在代郡矣水經注云云是誤  
以趙之靈丘爲齊之靈丘而不知齊境不得至代也孟子  
正義

○三輔黃圖

漢西京宮殿甚多讀史殊不易曉三輔黃圖敘次頗悉以  
長樂未央建章北宮甘泉宮爲綱而以其中宮室臺殿爲  
目甚得體要但其無所附麗者悉入北宮及甘泉宮下則  
外矣雜錄駁此書思子宮萬歲宮隸甘泉之  
誤而謂元書已亡此出唐人所作誠悉今當以明光

宮太子宮二宮別爲一條爲長安城內諸宮永信宮中安  
宮養德宮別爲一條爲長安宮異名長門宮鉤弋宮儲元  
宮宣曲宮別爲一條爲長安城外離宮昭臺宮大臺宮扶  
荔宮蒲萄宮別爲一條爲上林苑內離宮宜春宮五柞宮  
集靈宮鼎湖宮湖當作胡見  
漢書楊雄傳思子宮黃山宮池陽宮步壽  
宮萬歲宮梁山宮回中宮首山宮別爲一條爲各郡縣離  
宮程大昌曰思子宮在湖萬歲宮在  
汾陰今皆以隸甘泉與史不合別有明光宮不知其  
地附列於後而梁山宮當并入秦梁山宮下則區分各當  
矣

大明一統志

歷朝官書皆有不精之病而明爲尤甚蓋立朝者皆不學無術  
之入也合前張仲素王巨二條觀之可爲噴飯

永樂中命儒臣纂天下輿地書至天順五年乃成賜名曰



大明一統志御製序文而前代相傳如括地志太平寰宇記之書皆廢今考其書舛謬特甚略摘數事以資後人之改定云

一統志三河本漢臨洺縣地今考兩漢書並無臨洺縣唐書地理志幽州范陽郡潞縣下云武德二年置臨洺縣貞觀元年省臨洺而薊州漁陽郡三河下云開元四年析路縣置故知本是一地先分爲臨洺後分爲三河皆自唐非漢也

一統志引古事舛戾最多未有若密雲山之可笑者晉書石季龍載記段遼棄令支奔密雲山遣使詐降季龍使征東將軍麻秋迎之遼又遣使降于慕容皝曰彼貪而無謀

吾今請降求迎彼不疑也若伏重兵要之可以得志皝遣子恪伏兵於密雲麻秋統兵三萬迎遼爲恪所襲死者什六七秋步遁而歸是段遼與燕合謀而敗趙之衆也今一統志云密雲山在密雲縣南一十五里亦名橫山昔燕趙伏兵於此大獲遼衆是反以爲趙與燕謀而敗遼之衆又不言段而曰遼似以遼爲國名豈修志諸臣并晉書而未之見乎

一統志揚令公祠在密雲縣古北口祀宋楊業按宋史楊業傳業本太原降將太宗以業老於邊事遷代州兼三交今陽曲縣駐泊兵馬都部署會契丹入鴈門業領麾下數千騎自西京而出由小徑至鴈門北口南嚮背擊之契丹大敗



以功遷雲州觀察使雍熙三年大兵北征以忠武軍節度使潘美爲雲應路行營都部署命業副之以西上閣門使蔚州刺史王侁軍器庫使順州團練使劉文裕護其軍諸軍連拔雲應寰朔四州師次桑乾河會曹彬之師不利諸路班師美等歸代州未幾詔遷四州之民於內地令矣等以所部兵護之時契丹復陷寰州侁令業趨鴈門北川業以爲必敗不可侁偪之行業指陳家谷口曰諸君於此張步兵強弩爲左右翼以援美卽與侁領麾下兵陳於谷口自寅至巳侁使人登托邏臺望之以爲契丹敗走欲爭其功卽領兵離谷口美不能制乃緣交河西南行二十里俄聞業敗卽麾兵却走業力戰至谷口望見無人卽折厲大

勳再率帳下士力戰身被數十創士卒殆盡業猶手刃數十人馬重傷不能進爲契丹所擒不食三日死是業生平未嘗至燕况古北口又在燕東北二百餘里地屬契丹久矣業安得而至此且史明言鴈門之北口而以爲密雲之古北口是作志者東西尚不辨何論史傳哉又按遼史聖宗紀統和四年七月丙子樞密使斜軫奏復朔州擒宋將楊繼業耶律斜軫傳繼業敗走至狼牙村衆軍皆潰繼業爲飛矢所中被擒與宋史畧同密雲縣志威靈廟在古北口北門外一里祀宋贈太尉大同軍節度使楊公成化十八年禮部尚書周洪範記引宋史全文而不辨鴈門北口之非其地豐潤縣志令公村在縣西十五里宋楊業屯兵



拒遼於此有功故名並承一統志而誤

一統志遼章宗陵在三河縣北五十五里考遼無章宗其  
一代諸帝亦無葬三河者

一統志金太祖陵世祖陵俱在房山縣西二十里三峯山  
下宣宗陵章宗陵俱在房山縣西大房山東北按金史海  
陵紀貞元三年三月乙卯命以大房山雲峯寺爲山陵建  
行宮其麓五月乙卯命判大宗正事京等如上京奉遷太  
祖太宗梓宮十一月乙巳朔梓宮發丕承殿戊申山陵禮  
成正隆元年七月己酉命太保昂如上京奉遷始祖以下  
梓宮八月丁丑如大房山行視山陵十月乙酉葬始祖以  
下十帝於大房山閏月己亥朔山陵禮成又太祖紀太祖

葬睿陵太宗紀太宗葬恭陵世宗紀世宗葬興陵章宗紀  
章宗葬道陵又熙宗紀帝被弒葬於皇后裴滿氏墓中貞  
元三年改葬於大房山蓼香甸諸王同兆域大定初追上  
謚號陵曰思陵二十八年改葬於峨嵋谷仍號思陵又海  
陵紀葬於大房山鹿門谷後降爲庶人改葬於山陵西南  
四十里又睿宗紀大定二年改葬於大房山號景陵顯宗  
紀大定二十五年十二月庚寅葬於大房山章宗卽位號  
曰裕陵是則金代之陵自上京而遷者十二帝其陵曰光  
曰熙曰建曰輝曰安曰定曰永曰泰曰獻曰喬曰睿曰恭  
其崩於中都而葬者二帝其陵曰興曰道被弒者一帝其  
陵曰思追謚者二帝其陵曰景曰裕被弒而降爲庶人者



一帝葬在兆域之外而宣帝則自卽位之二年遷於南京三年五月中都爲蒙古所陷葬在大梁非房山矣今一統志止有四陵而誤列宣宗又躋於章宗之上諸臣不學之甚也

漢書地理志樂浪郡之縣二十五其一曰朝鮮應劭曰故朝鮮國武王封箕子於此志曰殷道衰箕子去之朝鮮山海經曰朝鮮在列陽東海北山南註朝鮮今樂浪縣箕子所封也在今高麗國境內慕容氏於營州之境立朝鮮縣魏又於平州之境立朝鮮縣但取其名與漢縣相去則千有餘里一統志乃曰朝鮮城在永平府境內箕子受封之地則是箕子封於今之永平矣當日儒臣令稍知今古者

爲之何至於此爲之太息

一統志登州府名宦下云劉興居高祖孫齊悼惠王肥子誅諸呂有功封東牟侯惠澤及於邦人至今廟祀不絕考史記漢書本紀年表興居以高后六年四月丁酉封孝文帝二年冬十月始令列侯就國春二月乙卯立東牟侯興居爲濟北王其明年秋以反誅是興居之侯於東牟僅三年其奉就國之令至立爲濟北王相距僅五月其會到國與否不可知安得有惠澤及人之事歷二千年而思之不絕者乎甚矣修志者之妄也

王文公虔州學記虔州江南地最曠大山長谷荒翳險阻以曠字絕爲一句谷字絕爲一句阻字絕爲一句文理甚



明今一統志贛州府形勝條下摘其二語曰地最曠大山  
長谷荒句讀之不通而欲從事於九丘之書真可爲千載  
笑端矣

○交趾

大學衍義補曰交趾本秦漢以來中國郡縣之地

秦爲象郡地漢

武帝平南越置交趾九真日南三郡

五代時爲劉隱所并至宋初始封爲郡

王然猶授中國官爵勲階如所謂特進檢校太尉靜海軍  
節度觀察等使及賜號推誠順化功臣皆如內地之臣未  
始以國稱也其後封南平王秦章文移猶稱安南道孝宗  
時始封以王稱國而天下因以高麗真臘視之不復知其  
爲中國之郡縣矣李氏傳八世陳氏傳十二世至日耀爲

黎季犛所篡季犛上表竄姓名爲胡一元子蒼易名奩詐  
稱陳氏絕嗣奩爲甥求權署國事太宗皇帝從其請逾年  
陳氏孫名添平者始遁至京懇其實季犛乃表請迎添平  
還國朝廷不逆其詐遣使送添平歸抵其境季犛伏兵殺  
之并及使者事聞太宗徧告於天地神祇聲罪致討遣征  
夷將軍朱能等征之能道卒命副將張輔總其兵生禽季  
犛及其子蒼澄獻俘京師詔求陳氏遺裔立之國人咸稱  
季犛殺之盡無可繼者僉請復古郡縣遂如今制立交趾  
都布按三司及各府州縣衛所諸司一如內地其後有黎  
利者乃彼中么麼小醜耳中官庇之遂致猖肆上表請立  
陳氏後宣宗皇帝謂此皇祖意也遂聽之卽棄其地俾復



爲國嗚呼自秦并百粵交趾之地已與南海桂林同入中國漢武立嶺南九郡而九真日南交趾與焉在唐中葉江南之人仕中國顯者猶少而愛州人姜公輔唐書姜公輔愛州日南人已仕中朝爲學士宰相與中州之士相頡頏矣奈何世歷五代爲土豪所據宋興不能討之遂使茲地淪於蠻裔之域而爲侏儻藍縷之俗三百餘年而不得與南海桂林等六郡同爲衣冠禮樂之區一何不孝哉按交趾自漢至唐爲中國之地在宋爲化外州雖貢賦版籍不上戶部然聲教所及皆邊州帥府領之永樂開平定其地設交趾都指揮使司布政使司按察司各一衛十千戶所二府十三年六月十月自州陞州四十一縣二百八市舶提舉司一巡檢司爲府者二

百稅課司局等衙門九十二而升遐之後上尊謚議以復交趾郡縣於數千載之後驅漠北殘寇於數萬里之外爲言旣述武功之成亦侈輿圖之廣後以兵力不及而棄之

乃天順中修一統志竟以安南與占城暹羅等國同爲一

卷

天順八年七月實錄寧遠州本中國地國初屬雲南布政司宣德初黎利叛朝廷子之故地乃并寧遠州及廣西大平府之祿州爲所占當時有司失於檢察今遂陷於夷嗟乎巴濮楚鄧吾南土也

狃域中之見而忘無外之規吾不能無議夫儒臣者

大明清類天文分野書洪武十七年閏十月進其中如上

都大寧遼東諸郡縣竝載前代沿革而云本朝未立內地

如河間府之莫州莫亭會川樂壽亦具前代沿革而云本

朝未立不以一時郡縣之有無而去歷代相因之版籍甚



爲有體

○薊

漢書薊故燕國召公所封後漢書薊本燕國刺史治自七國時燕都於此項羽立臧荼爲燕王都薊高帝因之爲燕國元鳳元年燕刺王旦自殺國除爲廣陽郡本始元年爲廣陽國建武十三年省屬上谷永平八年一作永元六年復爲廣陽郡晉復爲燕國魏爲燕郡隋開皇初廢大業初置涿郡唐天寶元年更名范陽郡竝治薊水經濕水過廣陽薊縣北又東至漁陽雍奴縣註今城內西北隅有薊丘因丘以名邑也後漢書彭寵傳寵反漁陽自將二萬餘人攻朱浮於薊晉書載記魏國燕中山清河王會自龍城遣兵赴救

建威將軍千餘崇爲前鋒至漁陽遇魏千餘騎鼓譟直進殺十餘人魏騎潰去崇亦引還會乃上道徐進始達薊城卽此二事可見薊在漁陽之西唐書地理志幽州范陽郡治薊開元十八年析置薊州漁陽郡治漁陽及遼改薊爲析津縣因此薊之名遂沒於此而存於彼今人乃以漁陽爲薊而忘其本矣史記樂毅書薊丘之植植於汶篁此卽水經注所言薊丘

禮記樂記武王克殷反商未及下車而封皇帝之後於薊

史記及水經注竝云堯後疏云今涿郡薊縣是也卽燕國之都孔安國

司馬遷及鄭皆云燕祖召公與周同姓按黃帝姓姬召公

蓋其後也

穀梁傳曰燕周之分子也皇甫謐因謂召公爲文王之庶子而范甯註又以爲成王所封然考



左傳富彛之按此以薊燕爲一國而召公卽黃帝之後史  
言不叙及燕記周本紀武王封帝堯之後於薊封召公奭於北燕正義  
曰按周封以五等之爵薊燕二國俱武王立因燕山薊丘  
爲名其地足自立國後薊微燕盛乃并薊居之其說爲長

○夏謙澤

晉書載記慕容寶盡徙薊中府庫北趨龍城魏石河頭引  
兵追及之于夏謙澤胡三省通鑑註夏謙澤在薊北二百  
餘里恐非按水經注鮑丘水東南流逕潞城南又東南入  
夏澤澤南紆曲渚一十餘里北佩謙澤眇望無限也下云  
鮑丘水又東與洵河合三河志鮑丘河在縣西二十五里  
源自口外南流經九莊嶺過密雲合道人溪至通州之米

莊村合沽水入洵河今三河縣西三十里地名夏店舊有  
驛鮑丘水經其下而洵河自縣城南至寶坻下入於海疑  
夏店之名因古夏澤其東彌望皆陂澤與水經注正合自  
薊至龍城此其孔道寶以丙辰行魏人以戊午及之相距  
二日適當其地也

○石門

後漢書公孫瓚傳中平中張純與烏桓丘力居等入寇瓚  
追擊戰於屬國石門大敗之註石門山在今營州柳城縣  
西南而水經注云灑水又東南逕石門峽山高嶄絕壁立  
洞開俗謂之石門口漢中平五年公孫瓚討張純戰于石  
門大破之今薊州東北六十里石門驛卽水經注之石門



是也按史本紀但言石門而傳言屬國石門明有兩石門  
北齊書皮慶貞正光中因使懷朔遇世亂遂家廣寧之石門縣水經注所指乃漁陽之石  
門非遼東屬國之石門當以柳城爲是通典柳城有石門  
山

○無終

玉田漢無終縣漢書地理志故無終子國溷水西至雍奴  
入海史記項羽封韓廣爲遼東王都無終後漢書吳漢將  
二十騎先馳至無終常昭國語解無終山戎之國今爲縣  
在北平水經注藍水出北山東屈而南流逕無終縣故城  
東故城無終子國也魏氏土地記曰右北平城西北百三  
十里有無終城無終之爲今玉田無可疑者然左傳襄公

四年無終子使孟樂如晉因魏莊子納虎豹之皮以請和  
諸戎昭公元年晉中行穆子敗無終及群狄于太原漢書  
樊噲傳擊陳豨破得綦母邠尹潘軍於無終廣昌則去玉  
田千有餘里豈無終之國先在雲中代郡之境而後遷于  
右北平與左傳正義曰釋例土地各以北戎山戎無終三  
名爲一北平有無終縣太原卽太原郡晉陽縣  
是也計無終在太原東北二千餘里遠就太原來與  
晉戰不知其何故也蓋與諸戎近晉者相率而來也

○柳城

史言慕容皝以柳城之北龍山之西福德之地乃營立宗  
廟宮闕命曰龍城一統志柳城在永平府西二十里龍山  
在府西四十里永平府舊志柳城在昌黎縣西南六十里  
漢末爲烏桓所據曹操滅之歷魏晉爲慕容氏父子所據



隋置縣屬遼西郡唐置營州元省入昌黎為靜安社其說與史不同今府西二十里全無遺跡而靜安社則嘉靖三十一年立為堡然皆非柳城之舊也按唐書營州柳城郡下云城西四百八十里有渝關守捉城又云西北接奚北接契丹通典營州柳城郡下云東至遼河四百八十里南至海二百六十里西至北平郡七百里北至契丹界五十里東南到安東府二百七十里西南到北平郡七百里西北到契丹界七十里東北到契丹界九十里而平州北平郡下云東至柳城郡七百里西至漁陽郡三百里東北到柳城郡七百里是柳城在今永平之東北七百里而慕容氏之龍城昌黎及魏以後之營州並在其地唐萬歲通天

元年為契丹所陷聖曆二年僑治漁陽開元五年又還治

柳城舊唐書宋慶禮傳初營州都督府置在柳城控帶奚契丹則天時都督趙文蔚政理乖方兩蕃反叛攻陷

州城其後移於幽州東二百里漁陽城安置開元五年奚

契丹各款塞歸附玄宗乃詔慶禮及太子詹事姜師度左

驍衛將軍邵宏等充使更於柳城築營而今之昌黎乃金

州城與役三旬而畢詔書見册府元龜

之廣寧縣大定二十九年改為昌黎名同而地異也

三國志魏武帝用田疇之言上徐無山墜山堙谷五百餘

里經白檀歷平岡涉鮮卑庭東指柳城徐無山在今玉田

則柳城在玉田之東北數百里也北齊書顯祖伐契丹以

十月丁酉至平州從西道趨長墜平丑至白狼城壬寅至昌黎城是昌黎在平州之東北齊主之行急猶五日而後至也隋書漢王諒伐高麗軍出臨渝關至柳城唐書太宗

至也隋書漢王諒伐高麗軍出臨渝關至柳城唐書太宗



伐高麗還以十月丙午次營州詔遼東戰亡士卒骸骨並  
集柳城東南命有司設大牢上自作文以祭之丙辰皇太  
子迎謁於臨渝關關在今撫寧之東則柳城又在其東太  
宗之行遲故十日而後至也

遼史載柳城曰興中府古孤竹國漢柳城縣地慕容皝以  
柳城之北龍城之南福德之地乃築龍城構宮廟改柳城

為龍城縣而遷都之號曰和龍宮慕容垂復居焉垂都鄴其子寶

始遷龍城後為馮跋所滅高雲滅慕容氏馮跋代魏取之非垂也

為遼西部隋平高寶寧置營州煬帝改柳城郡唐武德初

改營州總管府尋為都督府萬歲通天元年陷李萬榮神

龍初徙府幽州開元四年復治柳城八年徙漁陽十年還

柳城舊唐書奚傳李大輔與契丹首領李失活請於柳城依舊置營州都督府從之後為奚所據

太祖平奚及俘燕民將建城命韓知方擇其處乃完葺柳

城號霸州彰武軍節度重熙十年升興中府有太華山小

華山香高山麝香崖天授皇帝刻石在焉駐龍哈神射泉

小龍河統州二縣四其一曰興中縣本漢柳城縣地太祖

掠漢民居此置霸城縣重熙中置府更名此文述柳城之

故頗為詳備元世祖至元七年十月己丑降興中府為州

以地圖案之當在今前屯衛之北但唐書平州下云又有

柳城軍永泰元年置蓋唐時柳城之地屢被陷沒移徙無

常此其在平州者或即今之靜安社未可知通典鑿無聞山在遼東念

於柳城郡東置祠遙禮此即是移置之柳城然不可以永泰元年之柳城為主



之柳城也

一統志采輯諸書不出一人之手如柳城廢縣既云在府城西二十里矣而於土產則云人參麝香豹尾俱廢柳城縣出今府西二十里乃灤河之西洞山之南沙土之地其能出此三物乎按唐書營州柳城郡貢人蔘麝香豹尾皮骨髓志本引之而不知所指府西二十里廢柳城縣之誤也

○昌黎

按昌黎有五漢書遼西郡之縣其八曰昌黎渝水首受塞外南入海東部都尉治應劭曰今昌黎水經注自狼水又東北逕昌黎縣故城西地理志曰交黎也通鑑註昌黎漢

交黎縣屬遼西郡後漢屬遼東屬國都尉魏齊王正始五年鮮卑內附復置遼東屬國立昌黎縣以居之後立昌黎郡晉書武帝紀太康二年慕容廆寇昌黎二年安北將軍嚴詢敗慕容廆於昌黎成帝咸康二年慕容皝自昌黎東踐水而進凡三百餘里至歷林口是則在渝水下流而當海口此一昌黎也晉書載記慕容皝徙昌黎郡又云破宇文歸之衆徙其部人五萬餘落於昌黎及慕容盛之世有昌黎尹張順劉忠高雲以馮素弗爲昌黎尹馮跋之世有昌黎尹孫伯仁以史考之當去龍城不遠此又一昌黎也魏併柳城昌黎棘城於龍城而立昌黎郡志云有堯祠榆頓城狼水而列傳如韓麒麟韓秀谷渾孫紹之倫皆昌黎



人即燕之舊都龍城此又一昌黎也齊以後昌黎之名廢至唐太宗貞觀三年更崇州為北黎州治營州之東北廢陽師鎮八年復為崇州置昌黎縣後淪於奚遼史建州永康縣本唐昌黎縣地此又一昌黎也遼太祖以定州俘戶置營州鄰海軍其縣一曰廣寧金世宗大定二十九年改為昌黎相沿以至於今在永平府城東南七十里此又一昌黎也郭造卿永平志辨昌黎有二而不知其有五今序而列之論古者可以無惑焉

韓文公多自稱昌黎唐書載韓氏世系則云漢高侯頽當裔孫世居潁川徙安定武安常山九門而生安定桓王茂為公之六世祖與昌黎之韓支派各別故先儒以為公

之自稱本其郡望宋元豐七年封公為昌黎伯亦是取其

本望

唐宋封爵必取本望元和中朔方帥李吉甫曰有司之

誤不可再也宜使儒生條其源系考其郡望子孫職任並

總輯之每加爵邑則令閱視乃命林寶撰次元和姓纂十

一卷明初亦如之太平忠臣祠追封花雲東

丘郡侯許瑗高陽郡侯王鼎太原郡侯是也

如韓長鸞韓

建封昌黎王韓擇本封昌黎伯韓偓封昌黎男之比若昌

黎之韓最著於魏如麒麟顯宗史明言其為昌黎棘城人

又非今之昌黎也然則文公之沒二百六十年而始封昌

黎伯又一百六年而始立今之昌黎縣以金之縣而合宋

○石城

之封遂謂文公為此縣之人其亦未之考矣

漢右北平郡之縣十六其三曰石城後漢無之蓋光武所



併省也至燕分置石城郡考之通鑑及晉載記得二事慕容寶宿廣都黃榆谷清河王會勒兵攻寶寶帥輕騎馳二百里晡時至龍城會遣騎追至石城不及是廣都去龍城二百里而石城在其中間也慕容熙敗于北原石城令高和與尚方兵於後作亂註云高和本爲石城令時以太喪會於龍城是石城去龍城不遠也魏書地形志廣興下云有鷄鳴山石城大柳城此卽漢之石城矣魏太平眞君八年置建德郡治白狼城領縣三其一曰石城有白鹿山祠其二曰廣都水經注石城川水出西南石城山東流逕石城縣故城南北屈逕白鹿山西卽白狼山也又東北入廣成縣東廣成卽廣都城燕之石城在廣都之東北而此在

廣都之西南是魏之石城非燕之石城矣隋書始無石城云北齊廢之而唐書平州石城下云本臨渝武德七年省貞觀十五年復置萬歲通天二年更有臨渝關有大海有碣石山是武后所更名之石城又非魏之石城矣

舊唐書同

遼史灤州統縣三其三曰石城下云

唐貞觀中於此置臨渝縣萬歲通天元年改石城縣在灤

州南三十里唐儀鳳石刻在焉今縣又在其南五十里遼徙置以就塩宜是遼之石城又非唐之石城矣今之開平中屯衛自永樂三年徙於石城廢縣在灤州西九十里乃遼之石城而一統志以爲漢舊縣何其謬與

○木刀溝



新樂縣西南三十里有水名木刀溝新唐書地理志新樂

下云東南二十里有水木刀溝有民木刀居溝旁因名之子過

新樂林君華院見示所修縣志以木刀為不典憲宗紀元

改為木鐸因取箇中唐志示之林君爽然自失和五年四月丁亥河東節度使范希朝義武軍節度使張

茂昭及王承宗戰於木刀溝敗之范希朝張茂昭傳承宗

以騎二萬踰木刀溝與王師薄戰茂昭躬擐甲為前鋒令

其子克讓從子克儉與諸軍分左右翼繞戰大破之沙陀

傳王承宗眾數萬伏木刀溝與朱邪執宜遇飛矢雨集執

宜提軍橫貫賊陣鏖鬪李光顏等乘之斬首萬級而舊書

李光進傳范希朝引師救易定表光進為步都虞候戰於

木刀溝有功此溝在鎮定二節度之界古為戰地

○江乘

古時未有瓜洲蔡寬夫詩話潤州大江木與今揚子橋對

岸而瓜洲乃江中一洲耳今與揚子橋相連矣以故自古

南北之津上則出采石下則由江乘而京口不當往來之

道史記秦始皇登會稽還從江乘渡正義云江乘故縣在

今潤州句容縣北六十里吳徐盛作疑城自石頭至江乘

晉蔡謨自土山至江乘鎮守八所城壘凡十一處皆以沿

江為防守之要今其地在上元縣東北五十里唐肅宗上

元元年李岷闢北固為兵場插木以塞江口劉展軍于白

沙設疑兵於瓜洲多張火鼓若將趨北固者如是累日岷

悉銳兵守京口以待之展乃自上流濟襲下蜀胡三省通



鑑注云此自白沙濟江也昇州東北九十里至句容縣有下蜀戍在句容縣北近江津今江乘去江幾二十里以外皆為洲渚而渡口乃移于龍潭又瓜洲既連楊子橋江面益狹而隋唐之代復以丹陽郡移治丹徒於是渡者舍江乘而趨京口

舊唐書張延賞傳邊江之瓜洲舟航湊會而懸屬江南延賞奏請以江為界人甚便之

宋乾道四年築瓜洲南北城而京口之渡至今因之

瓜洲得名本以瓜步山之尾生此一洲故爾舊唐書齊澣傳潤州北界隔江至瓜步尾紆滙六十里船繞瓜步多為風濤漂損澣乃移漕路於京口塘下直渡江二十里又開伊婁河二十五里即達楊子縣

胡三省通鑑註今之楊子橋或是唐之楊子縣治所得名也

自是免漂損之災歲減脚錢數十萬又立伊婁埭

官收其課迄今利濟焉此京口漕路繇瓜洲之始玄宗紀載此事則謂之瓜洲浦而五行志開元十四年七月潤州大風從東北海濤奔上沒瓜步洲損居人永王璘傳李承式使判官評事裴茂以步卒三千拒於瓜步洲伊婁埭則此洲本亦謂之瓜步洲也

### ○郭璞墓

晉書郭璞傳璞以母憂去職卜葬地于暨陽去水百步許人以近水為言璞曰當即為陸矣其後沙漲去墓數十里皆為桑田王暉集乃云金山西北大江中亂石間有叢薄鴉鵲棲集為郭璞墓按史文元謂去水百步許不在大江之中且當時即已沙漲為田而暨陽在今江陰縣界不在



京口又所葬者璞之母而非璞也世之所傳皆誤世說載  
北阜烈烈巨海混混壘壘三墳  
惟母與昆則璞又有二兄同葬

○螺磯

蕪湖縣西南七里大江中螺磯相傳昭烈孫夫人自沈於  
此有廟在焉按水經注武陵孱陵縣故城王莽更名孱陸  
也劉備孫夫人權妹也又更修之則是隨昭烈而至荊州  
矣蜀志曰先王既定益州而孫夫人還吳又裴松之注引  
趙雲列傳曰先王入益州雲領留營司馬時孫夫人以權  
妹驕豪多將吳吏兵縱橫不法先王以雲嚴重必能整齊  
特任掌內事權聞備西征大遣舟船迎妹而夫人欲將後  
王還吳雲與張飛勒兵截江乃得後王還是孫夫人自荆  
州復歸于權而後不知所終螺磯之傳殆妄。

○胥門

史記吳王既殺子胥吳人爲立祠於江上號曰胥山水經  
注引虞氏曰松江北去吳國五十里江側有丞胥二山山  
各有廟魯哀公十三年越使二大夫疇無餘謳陽等伐吳  
吳人敗之獲二大夫大夫死故立廟於山上號曰丞胥二  
王也胥山上今有壇石長老云胥神所治也一以爲子胥  
一以爲越大夫今蘓州城之西南門曰胥門陸廣微吳地  
記云本伍子胥宅因名非也趙樞生曰按吳越春秋吳王  
夫差十三年將與齊戰道出胥門因過姑胥之臺則子胥  
未死已名爲胥門愚考左傳哀公十一年艾陵之戰胥門



巢將上軍胥門氏巢名蓋居此門而以為氏者如東門遂

桐門右師之類周禮大司馬帥以門名註古者軍將蓋為

師皆上卿為軍將者也則是門之名又必在夫差以前矣淮南子句

踐甲卒三千人以擒夫差於姑胥越絕書吳王起姑胥之

臺五年乃成姑胥山名也不可知其所始其字亦為姑蘇

國語吳王帥其賢良與其重祿以上姑蘇史記越伐吳敗

之姑蘇伍被對淮南王言見麋鹿游姑蘇之臺古胥蘇

子多通用戰國策以包胥為勃蘇詩山有扶蘇傳曰扶蘇扶胥

○潮信

白樂天詩早潮纒落晚潮來一月周流六十回白是北人

未諳潮候今杭州之潮每月朔日以子午二時到每日遲

三刻有餘至望日則子潮降而為午午潮降而為夜子以

後半月復然西江江岸上有候潮碑故大月之潮一月五十八回小

月則五十六回無六十回也水月皆陰之屬月之麗天出

東入西大月二十九回小月二十八回亦無三十回也所

以然者陽有餘而陰不足自然之理也

○晉國

晉自武公滅翼今翼城縣而王命曲沃伯以一軍為晉侯其時

疆土未廣至獻公始大考之於傳滅楊今洪洞縣滅霍今霍州滅

耿在今河津縣滅魏在今蒲州滅虞在今平陸縣重耳居蒲在今隰州夷吾居

屈在今吉州太子居曲沃在今聞喜縣而公都絳在今平陸縣不過今平

陽一府之境國語宰孔謂晉侯景霍以為城而汾河凍澮以為淵是也而滅虢在今陝州滅



焦今陝州則跨大河之南史記晉世家言獻公時晉疆西有河西與秦接境北邊翟東至河內

索隱曰河內河曲也內音至惠公敗韓之後秦征河東則

內及解梁在今臨狄取狐厨在今鄉涉汾而晉境稍感文

公始啟南陽得今之懷慶襄公敗秦于殺自此惠公賂秦

之地復為晉有而以河西為境若霍太山以北大都皆狄

地不屬於晉文公作三行以禦狄襄公敗狄于箕而狄患

始稀悼公用魏絳和戎之謀以貨易土在文公後平公用

荀吳敗狄于太原於是晉之北境至於洞渦維陰之間而

鄆並今平陵梗陽今清涂水在今榆馬首孟今孟為祁

氏之邑晉陽今太為趙氏之邑矣若成公滅赤狄潞氏而

得今之潞安頃公滅肥滅鼓而得今之真定皆一一可考

吾於杜氏之解綿上箕而不能無疑并唐叔之封晉陽亦

未敢以為然也

○ 縣上

左傳僖二十四年晉侯賞從亡者介之推不言祿祿亦弗

及遂隱而死晉侯求之不獲以縣上為之田杜氏曰西河

界休縣南有地名縣上水經注石桐水即縣水出介休縣

之綿山北流逕石桐寺西即介子推之祠也袁崧郡國志  
口界休縣有介山有縣上聚子推廟今其山南跨靈石東  
跨沁源世以為之推所隱而漢魏以來傳有焚山之事大  
原上黨西河鴈門之民至寒食不敢舉火石勒禁之而霽  
起西河介山大如雞子平地三尺前史載之無異辭也然



考之於傳襄公十三年晉悼公蒐于緜上以治兵使士句將中軍讓于荀偃此必在近國都之地又定公六年趙簡子逆宋樂祁飲之酒于緜上自宋如晉其路豈出於西河界休乎况文公之時霍山以北大抵皆狄地與晉都遠不相及今翼城縣西亦有緜山俗謂之小緜山近曲沃當必是簡子逆樂祁之地襄公二十九年齊高豎致虛而出奔晉晉人城緜而寘旃緜或即緜山

今萬泉縣南二里有介山漢書武帝紀詔曰朕用事介山祭后土皆有光應地理志汾陰介山在南今萬泉古楊雄分陰地

傳其三月將祭后上上廼帥群臣橫大河湊汾陰既祭行游介山回安邑顧龍門覽鹽池登歷觀陟西岳以望八荒雄作河東賦曰靈輿安步周流容與以覽于介山嗟文公而愍推兮勤大禹於龍門水經注亦引此謂晉太康記及地道記與水初記並言子推隱於是山而辨之以為非然可見漢時已有二說矣

○箕

左傳僖公三十三年狄伐晉及箕解曰太原陽邑縣南有箕城非也陽邑在今之大谷縣襄公時未為晉有傳言狄伐晉及箕猶之言齊伐我及清也必其近國之地也成公十三年厲公使呂相絕秦曰入我河縣焚我箕郛無又必解

其邊河之邑秦狄皆可以爭而文公八年有箕鄭父襄公二十一年有箕遺當亦以邑氏其人者矣

○唐



左傳昭公元年遷實沈于大夏定公四年命以唐誥而封于夏虛服虔曰大夏在汾澮之間杜氏則以為太原晉陽縣按晉之始見春秋其都在翼括地志故唐城在絳州翼城縣西二十里堯裔子所封成王滅之而封太叔也北距晉陽七百餘里即後世遷都亦遠不相及竹書紀年康王九年唐遷于晉宣王十六年况霍山以北自悼公以後始開縣邑而前此不見於傳又史記晉世家曰成王封叔虞于唐唐在河汾之東方百里翼城正在二水之東而晉陽在汾水之西又不相合竊疑唐叔之封以至侯緡之滅並在於翼史記屢言禹鑿龍門通大夏呂氏春秋言龍門未闢呂梁未鑿河出孟門之上則所謂大夏者正今晉絳吉陽之間書所云

維彼陶唐有此冀方而舜之命皋陶曰蠻夷猾夏者也當以服氏之說為信又齊桓公伐晉之師僅及高粱在今臨汾縣封禪書述桓公之言以為西伐大夏大夏之在平陽明矣漢書地理志註臣瓚曰所謂唐今河東永安是也師古以瓚說為是按永安乃今之霍州亦非也

晉都

春秋時晉國本都翼在今之翼城縣及昭侯封文侯之弟桓叔于曲沃桓叔之孫武公滅翼而代為晉侯都曲沃在

今聞喜縣漢志聞喜故曲沃其子獻公城絳居之在今太平縣之

南絳州之北今太平縣南二十五里城址尚存歷惠懷文襄靈成六公至

景公遷于新田在今曲沃縣杜氏口新田今平陽絳邑縣是後魏始名曲沃當汾

澮二水之間於是命新田為絳而以其故都之絳為故絳



此晉國前後四都之故蹟也

晉自都絳之後遂以曲沃為下國

僖公十年狐突適下國

然其宗廟

在焉考悼公之立

成公十八年

夫夫逆于清原

杜氏曰河東聞喜縣北有清原

是次郊外庚午盟而入辛巳朝于武宮是人曲沃而朝于

廟二月乙酉朔即位于朝是至絳都而平公之立

襄公十六年

亦云改服修官烝于曲沃但不知其後何以遂為欒氏之

邑而欒盈之人絳范宣子執魏獻子之手賂之以曲沃

襄公

二十三年夫以宗邑而與之其臣聽其所自為端氏之封屯留

之徙其所由來者漸矣

○瑕

晉有二瑕其一左傳成公六年諸大夫皆曰必居郇瑕氏

之地杜氏曰郇瑕古國名水經注沛水又西南涇瑕城京

相璠曰今河東解縣西南五里有故瑕城是也

杜氏以郇瑕為一地

以為二地在今之臨晉縣境其一僖公三十年燭之武見秦伯

曰許君焦瑕朝濟而夕設版焉解焦瑕晉河外五城之二

邑文公十二年晉人秦人戰于清曲秦師夜遁復侵晉人

瑕解以河曲為河東蒲坂縣南則瑕必在河外十三年晉

侯使詹嘉處瑕以守桃林之塞按漢書地理志湖故曰胡

武帝建元年更名湖水經河水又東逕湖縣故城北酈氏

注云晉書地道記太康記並言胡縣漢武帝改作湖其北

有林焉名曰桃林古瑕胡二字通用禮記引詩心乎愛矣

瑕不謂矣鄭氏註云瑕之言胡也瑕胡音同故詭用其字



是瑕轉為胡又改為湖而瑕邑即桃林之塞也

書放牛桃林之野註

云在燕今為聞鄉縣治而成公十三年伐秦成肅公卒于

瑕亦此地也道元以郇瑕之瑕為詹嘉之邑誤矣

左傳有郇瑕不與焉桓公六年軍於瑕以待之註瑕隨地成公十六年楚師還及瑕註瑕楚地昭公二十四年王子朝之師攻瑕及杏皆潰

郇瑕在王邑

僖公十五年晉侯賂秦伯以河外列城五東盡虢略南及

華山正義曰自華山之東盡虢之東界其間有五城也傳

稱焦瑕蓋是其二

水經注陝縣故焦國竹書紀年幽王七年虢人滅焦

威公元年晉侯使瑕鞅平戎于王瑕嘉即詹嘉以邑為氏

僖公十五年瑕呂飴甥當亦同此

竹書紀年惠王十九年晉獻公滅虢命瑕父呂

甥邑于虢都傳謂之陰飴甥皆陰亦虢地或兼食之也

而解以瑕呂為姓恐非

### 九原

禮記檀弓趙文子與叔譽觀於九原水經注以為在京陵

縣漢志太原郡京陵師古曰即九京因記文或作九京而

傳會之爾

文子曰是全要領以從先大夫於九京也方氏曰九京即九原指其家之高曰京指其地之廣

原古者卿大夫之葬必在國都之比不得遠涉數百里而

葬於今之平遙也志以為太平之西南二十五里有九原

山近是

### 昔陽

左傳昭公十二年晉荀吳偽會齊師者假道于鮮虞遂入

昔陽秋八月壬午滅肥以肥子緜臯歸杜氏謂鮮虞白狄

別種在中山新市縣今新樂縣又謂鉅鹿下曲陽縣西有肥纍



城在今藁城縣西南七十里是也其曰昔陽肥國都樂平沾縣東有昔

陽城則非也疏載劉炫之言以為齊在晉東偽會齊師當

自晉而東行也假道鮮虞遂入昔陽則昔陽當在鮮虞之

東也今按樂平沾縣在中由新市西南五百餘里何當假

道於東北之鮮虞而反入西南之昔陽也既入昔陽而別

言滅肥則肥與昔陽不得為一安得以昔陽為肥國之都

也昔陽既是肥都何以復言鉅鹿下曲陽有肥纍之城疑

是肥名取於彼也肥為小國境必不遠豈肥名取鉅鹿之

城建都於樂平之縣也十五年荀吳伐鮮虞圍鼓杜六鼓

白狄之別鉅鹿下曲陽縣有鼓聚炫謂肥鼓竝在鉅鹿昔

陽即是鼓都在鮮虞以東南也二十二年傳曰晉荀吳使

師偽羅者負甲以息于昔陽之門外遂襲鼓滅之則昔陽

之為鼓都斷可知矣杜解昔陽故肥子所都果爾則其地已入晉何用偽羅以息其門外乎

漢書地理志鉅鹿下曲陽應劭曰晉荀吳滅鼓今鼓聚昔

陽亭是也木經注泚水東逕肥纍縣之故城南又東逕昔

陽城南本鼓聚十三州志曰今其城昔陽亭是矣京相璠

曰白狄之別也下曲陽有鼓聚其說皆同水經注一卷中昔陽城兩見一

在下曲陽一在泚縣亦酈氏之誤也史記趙世家惠文王十六年廉頗將攻

齊昔陽取之夫昔陽在鉅鹿故屬之齊豈得越太行而有

樂平乎正義亦謬

晉之滅狄其用兵有次第宣公十五年滅潞氏十六年滅

甲氏及囂吁成公十一年伐廡咎如而上黨為晉有矣昭



公元年敗無終及群狄於大鹵而大原為晉有矣然後出師以臨由東昭公十二年滅肥二十二年滅鼓於是太行以南之地謂之南陽太行以東之地謂之東陽水經注引陽自朝歌以南至軹為南陽而晉境東接於齊蓋先後之勤且八十年而鮮虞猶不服焉至魏文侯始克中山平狄之難如此

○太原

太原府在唐為北都唐書地理志曰晉陽宮在都之西北宮城周二千五百二十步崇四丈八尺都城左汾右晉借丘在中爾雅晉有潛丘註在太原晉陽縣今已不存長四志曰相傳宋修惠明寺浮屠陶土為瓦用千三百二十一步廣三千一百二十二步周萬五千一百

五十三步其崇四丈汾東曰東城貞觀十一年長史李勣築兩城之間有中城武后時築以合東城宋史太宗紀宮南有大明城故宮城也宮城東有起義堂倉城中有受瑞壇當日規模之閎壯可見自齊神武建別都與鄴城東西竝立隋煬繼修宮室唐高祖因以克關中有天下則天

以後名為北都五代李氏石氏劉氏三主皆興於此及劉繼元之降宋太宗以此地久為創霸之府又宋主大火有參辰不兩盛之說於是一舉而焚之矣宋史太宗紀太平興國四年五月戊子以榆次縣為新并州乙未築新城丙申幸城北御沙河門樓盡徙餘民於新城遣使督之既出即命縱火丁酉以行宮為平晉寺陸游老學庵筆記曰大



宋太平興國四年平太原降為并州廢舊城徙州於榆次  
今太原則又非榆次乃三交城也城在舊城東北三十里  
亦形勝之地本名故軍又嘗為唐明鎮有晉文公廟甚盛  
平太原後三年帥潘美奏乞以為并州從之於是徙晉文  
公廟以廟之故址為州治又徙陽曲縣於三交而榆次復  
為縣然則今之太原府乃三交城而太原縣不過唐都城  
之一隅耳其遺文舊蹟一切不可得而見矣

舊唐書崔神慶傳曰則天時擢拜并州長史先是并州有  
東西二城隔汾水唐張南史送鄭錄事詩六神慶始築城  
相接每歲省防禦兵數千人邊州甚以為便此即志所云  
兩城之間有中城者也僖宗乾符六年河東軍亂焚掠汾

水湍悍古人何以架橋立城如此之易如長安東中西三

渭橋昔為方軌而今則咸陽縣每至冬月乃設一版河陽

驛杜預所立浮橋其遺跡亦復泯然魏書崔亮傳除安西

渭水淺不通船行人艱阻亮謂察佐曰昔杜預乃造河梁

况此有異長河且魏晉之日亦自有橋吾今央欲營之咸

曰昔秦居咸陽橫橋渡渭以象閣道此即以柱為橋今惟

慮長柱不可得耳會天大雨出水暴至浮出長木數百根

藉此為用橋遂成立百姓利之至今猶名崔公橋北史

平栗磾傳為豫州刺史明元帝幸盟津謂栗磾曰河可橋

軍既濟帝蒲津鐵牛求一僧懷丙其人不可得宋史方國

有六職百工與居一焉不但坐而論道者不如古人而已  
○代  
春秋時代尚未通中國趙襄子乃言從當山上臨代代可

閣云水經注汾水  
云水上為有果清  
汧漢于梁下接漢  
死于橋中律例也  
裏子始衣之所在  
也此即指平陽陽  
物又唐李勣馬  
煙供引音水梁  
治河而東古於汾  
河東有音祠水  
利若以語身亦  
不必信又考歷  
向香俗妙孝者  
立碑于汾水上建  
橋鑿石于西山石  
條系與山新橋  
條不久即折後  
以色太原縣城者  
即任石也未用其  
石一使生信尚

春秋時代尚未通中國趙襄子乃言從當山上臨代代可



存標中者或夫以  
一修力為如生况  
雀亦慶以朝廷  
三力乎此為誇水  
連據合而一二以  
付者所云者正  
不必為奇

取也正義曰地道記云恒山在上曲陽縣西北一百四十  
里北行四百五十里得恒山吸號飛狐口北則代郡也木  
經注引梅福上事曰代谷者恒山在其南北塞在其北谷  
中之地上谷在東代郡在西此則今之蔚州乃古代國項  
羽徙趙王歇為代王歇更立陳餘為代王漢高帝立兄劉  
仲為代王皆此地也金蔚州東二十里相傳有代王城十年陳豨反十一  
年破豨立子恒為代王都晉陽高祖紀則今之太原縣矣孝  
文紀則云都中都陳豨傳同而文帝過太原復晉陽中都二歲  
如淳以為先都又立子武為代王都中都則今之平遙縣  
晉陽後遷中都矣正義引括地志中都故城在汾州平遙縣西南十二里又按衛綰代大陵人大陵  
今在文水縣北而屬代代都中都故也代凡三遷而皆非

今代州今代州之名自隋始

○關里

水經之說潛邱亦誤以之近人有辨

水經注孔廟東南五百步有雙石闕故名關里按春秋定

公二年夏五月壬辰雉門及兩觀災冬十月新作雉門及

兩觀註雉門公宮之南門兩觀闕也禮記昔者仲尼與於

蜡賓事畢出游於觀之上史記魯世家煬公築茅闕門蓋

闕門之下其里即名關里而夫子之宅在焉亦謂之闕黨

魯論有闕黨童子荀子仲尼居於闕黨是也後人有以居

為氏者漢書儒林傳有鄒人闕門慶忌註云姓闕門名慶

忌後漢書獻帝紀下邳賊闕宣註闕黨童子之後識文  
言代漢者當塗高當塗而高者闕也改闕宣自稱天子

○杏壇



今夫子廟庭中有壇石刻曰杏壇闕里志杏壇在殿前夫  
子舊居非也杏壇之名出自莊子莊子曰孔子遊乎緇帷  
之林休坐乎杏壇之上弟子讀書孔子弦歌鼓琴奏曲未  
半有漁父者下船而來須眉交白被髮揄袂行原以上距  
陸而止左手據膝右手持頤以聽曲終又曰孔子乃下求  
之至於澤畔方將杖拏而引其船顧見孔子還鄉而立孔  
子反走再拜而進又曰客乃刺船而去延緣葦間顏淵還  
車子路授綏孔子不顧待水波定不聞拏音而後敢乘司  
馬彪云緇帷黑林名也杏壇澤中高處也莊子書凡述孔  
子皆是寓言漁父不必有其人杏壇不必有其地卽有之  
亦在水上葦間依坡旁沿之地不在魯國之中也明矣今  
之杏壇乃宋乾興間四十五代孫道輔增修祖廟移大殿  
於後因以講堂舊基築石爲壇環植以杏取杏壇之名名  
之耳

### 徐州

史記齊太公世家田常執簡公于徐州田敬仲完世家宣  
王九年與魏襄王會徐州諸侯相王也十年楚圍我徐州  
魏世家襄王元年與諸侯會徐州楚世家威王七年齊孟  
嘗君父田嬰欺楚楚伐齊敗之於徐州越世家句踐已平  
吳乃以兵北渡淮與齊晉諸侯會於徐州魯世家頃公十  
九年楚伐我取徐州

索隱曰徐音舒徐州齊邑  
薛縣是也非九州之徐

按後漢書

志薛本國六國時曰徐州在今滕縣之南薛河北有大城



田文所築也此與楚魏二國爲境而威王曰吾吏有黔夫者使守徐州則燕人祭北門趙人祭西門徙而從者七千餘家蓋與梁惠王言不欲斥魏更以燕趙夸之耳

索隱曰說文郟邾之下邑在魯東又竹書紀年云梁惠成王三十一年邳遷于薛改名曰徐州則徐與郟並音舒也今讀爲禹貢徐州之徐若誤齊世家出常執簡公于徐州春秋正作舒州

○向

春秋隱二年莒人人向杜氏解曰譙國龍亢縣東南有向城桓十六年城向無解宜四年公及齊侯平莒及郟莒人不肯公伐莒取向解曰向莒邑東海丞縣東南有向城遠

疑也襄二十年仲孫速會莒人盟于向解曰莒邑按春秋向之名四見於經而杜氏註爲二地然其實一向也先爲國後并於莒而或屬莒或屬魯則以攝平大國之間耳丞縣今在嶧杜氏以其遠而疑之况龍亢在今鳳陽之懷遠乎水經注於軹縣向城下引齊乘以爲今沂州之向城鎮向姜不安於莒而歸尤誤州西南一百里近之矣

小穀已見前

春秋莊三十二年城小穀左氏傳曰爲管仲也蓋見昭公十一年申無宇之言曰齊桓公城穀而寘管仲焉至於今賴之而又見僖二年經書城楚氏之出於諸侯謂仲父得君之專亦可勤諸侯以自封也是不然仲所居者穀也此



所城者小穀也春秋有言穀不言小者莊二十三年公及齊侯遇于穀僖二十六年公以楚師伐齊取穀文十七年公及齊侯盟于穀成三年叔孫僑如會晉荀首于穀四書穀而一書小穀別於穀也范甯曰小穀魯地然則城小穀者內城也故不繫之齊而與管仲無與也漢高帝以魯公禮葬項羽于穀城卽此魯之小穀而註引皇覽以爲東郡之穀城與留侯所葆之黃石同其地其不然明矣春秋發微曰曲阜西北有小穀城

○泰山立石

嶽頂無字碑世傳爲秦始皇立按秦碑在玉女池上李斯篆書高不過五尺而銘文并二世詔書咸其不當又立此

大碑也考

不以前亦無此說因取史記反覆讀之知爲

漢武帝所立也史記秦始皇本紀云上泰山立石封祠祀

其下云刻所立石是秦石有文字之證今李斯碑是也封

禪書云東上泰山泰山之草木葉未生乃令人上石立之

泰山巔上遂東巡海上四月還至奉高上泰山封而不言

刻石是漢石無文字之證今碑是也後漢書祭祀志亦云

上東上泰山乃上石立之泰山巔然則此無字碑明爲漢

武帝所立而後之不讀史者誤以爲秦耳

始皇刻石之處凡六史記書之甚明於鄒嶧山則上云立

石下云刻石頌秦德於泰山則上云立石下云刻所立石於之罘則二十八年云立石二十九年云刻石於瑯邪則

閩云後漢祭祀志乃上石立之泰山巔類注引風俗通曰石高二丈一尺刻曰事天以礼享身以義云云又張純信上元封舊儀及刻石在印事天以礼享身也 晏案後漢志載上石泰山疑信元封元年三月星禮石爲漢武帝所立也



云立石刻頌秦德於會稽則云立石刻頌秦德無不先言立後言刻者惟於碣石則云刻碣石門門自是石不須立也古人作史文宇之密如此使秦皇別立此石秦史焉得不紀使漢武有文刻石漢史又安敢不錄乎

○泰山都尉

後漢書桓帝紀永興二年泰山琅邪賊公孫舉等反殺長史永壽元年七月初置泰山琅邪都尉官延熹五年八月己卯罷琅邪都尉官八年五月壬申罷泰山都尉官金石錄載漢泰山都尉孔宙碑云宙以延熹四年卒蓋卒後四年官遂廢矣然泰山都尉實不始於此光武時曾置之文苑傳夏恭光武時拜郎中再遷泰山都尉又按光武紀建

武六年初罷郡國都尉官恭之遷蓋在此年前也

泰山自公孫舉東郭寶勞丙叔孫無忌相繼叛亂以是置都尉之官以後官雖不設而郡兵領於太守其力素厚故何進使府掾泰山王匡東發其郡強弩而應劭夏侯淵亦以之破黃巾可見漢代不廢郡兵之效而建安中曹公表曰泰山郡界曠遠舊多輕悍權時之宜可分五縣為羸郡則其時之習俗又可知矣

○濟南都尉

漢濟南郡太守治東平陵而都尉治於陵者以長白山也

今龍山驛東有東平陵城後漢書侯霸傳註於陵故城在今甯川長山縣南魏書辛子馥傳長

白山連接三齊瑕丘數州之界多有盜賊子馥受使檢覆



因辨山谷要害宜立鎮戍之所又諸州豪右在山鼓鑄姦黨多依之又得密造兵仗亦請破罷諸治朝廷善而從之隋大業九年齊人孟讓王薄等衆十餘萬據長白山攻剽諸郡以張須陁王世充之力不能滅訖于隋亡觀此二事則知漢人立都尉治於陵之意矣

○鄒平臺二縣

漢書濟南郡之縣十四一曰東平陵二曰鄒平三曰臺四曰梁鄒功臣表則有臺定侯戴野梁鄒孝侯武虎是二縣竝爲侯國後漢書濟南郡十城其一曰東平陵其四曰臺其七曰梁鄒其八曰鄒平而安帝紀云延光三年二月戊子濟南上言鳳皇集臺縣丞霍收舍樹上章懷太子註云

臺縣屬濟南郡故城在今齊州平陵縣北晏子春秋景公爲晏子封邑使田無宇致臺與無鹽水經注亦云濟水又東北過臺縣北尋其上下文句本自了然後人讀漢書誤從鄒字絕句因以鄒爲一縣平臺爲一縣齊乘遂謂漢濟南郡有鄒縣後漢改爲鄒平又以臺平臺爲二縣此不得其句讀而妄爲之說也

漢以鄒名縣者五魯國有鄒亦作鄒膠東國有鄒盧千乘郡有東鄒與濟南之鄒平梁鄒凡五其單稱鄒者今兗州府之鄒縣也亦有平臺屬常山郡外戚恩澤侯表平臺康侯史立後漢書邳彤傳尹綏封平臺侯是也有鄒平有臺而亦有鄒有平臺不可不辨也



晉時縣名多沿漢舊按史何曾傳曾孫機爲鄒平令是有  
鄒平矣解系傳父修封梁鄒侯劉頌傳追封梁鄒縣侯是  
有梁鄒矣宋書言晉太康六年三月戊辰樂安梁鄒等八  
縣隕霜傷桑麥文帝紀元嘉二十八年五月乙酉亡命司  
馬順則自號齊王據梁鄒城八月癸亥梁鄒平斬司馬順  
則是宋有梁鄒矣不知何故晉書地理志於樂安國下單  
書一鄒字此史之闕文而齊乘乃云晉省梁鄒入鄒縣夫  
晉以前此地本無鄒縣而何從入之乎蓋不知而妄作者  
矣

○夾谷

春秋定公十年夏公會齊侯于夾谷傳曰公會齊侯于祝  
其實夾谷杜預解及服虔註史記皆云在東海祝其縣劉  
昭志杜佑通典因之遂謂夾谷山在今嶺榆縣西五十里  
按嶺榆在春秋爲莒地與齊魯之都相去各五六十里何  
必若此之遠當時景公之觀不過曰遵海而南放於琅邪  
而已未聞越他國之境金史云淄川有夾谷山一統志云  
夾谷山在淄川縣西南三十里舊名祝其山其陽卽齊魯  
會盟之處萌水發源於此水經注萌水出般陽縣西南甲  
山是以甲山爲夾谷也而萊蕪縣志則又云夾谷在縣南  
三十里接新泰界未知其何所據然齊魯之境正在萊蕪  
東至淄川則已入齊地百餘里二說俱通又按水經注萊  
蕪縣曰城在萊蕪谷當路岨絕兩山間道由南北門舊說



云齊靈公滅萊萊民播流此谷邑落荒蕪故曰萊蕪禹貢所謂萊夷也夾谷之會齊侯使萊人以兵劫魯侯宣尼稱夷不亂華是也是則會於此地故得有萊人非召之東萊千里之外也萊人遷此已從號其故國為東萊不可泥祝其之名而遠求之滄土矣

○濰水

濰水出琅邪郡箕崖山今在莒州西北九十里書禹貢濰淄其道左

傳襄公十八年晉師東侵及濰是也其字或省水作維或省糸作淮或从心作惟總是一字漢書地理志琅邪郡朱虛下箕下作維靈門下橫下折泉下作淮上文引禹貢惟留其道又作惟一卷之中異文三見馬文煒曰漢書王子侯表城陽項王

子東淮侯類封北海按北海郡別無淮水蓋亦濰字之異文通鑑梁武帝紀魏李叔仁

擊邢杲于淮水胡三省註古人之文或省或借其旁竝从

鳥隹之隹則一爾後人誤讀為淮沂其又之淮而呼此水

為槐河失之矣按隹字當从隹人之隹乃得聲今本說文亦誤

又如三國志吳王傳作棠邑涂塘以治北道晉書宣帝紀

王凌詐言吳人塞涂水武帝紀琅邪王佃出涂中海西公

紀桓温自山陽及會稽王昱會于涂中孝武紀遣征虜將

軍謝石帥舟師屯涂中安帝紀譙王尚之衆遺逃于涂中

竝是濰字南史程文季傳秦郡前江浦通涂水是也古濰

省作涂與濰省作淮正同韻書竝不收此二字

○勞山



勞山之名齊乘以爲登之者勞又云一作牢丘長春又改爲鯨皆鄙淺可笑按南史明僧紹隱于長廣郡之嶗山本草天麻生太山嶗山諸山則字本作嶗若魏書地形志唐書姜撫傳宋史甄棲真傳竝作牢乃傳寫之誤

竝仍作勞山

魏書高祖紀釋老志

詩山川悠遠維其勞矣箋云勞勞廣闊則此山或取其廣闊而名之鄭康成齊人勞勞齊語也

山海經西山經亦有勞山與此同名

寰宇記秦始皇登勞盛山望蓬萊後人因謂此山一名勞盛山誤也勞盛二山名勞卽勞山盛卽成山史記封禪書七曰日主祠成山成山斗入海漢書作盛山古字通用齊

之東偏環以大海海岸之山莫大於勞成二山故始皇登之史記秦始皇紀令人海者齋捕巨魚具而自以運弩候大魚至射之自蓼邪北至榮成山弗見至之罘見巨魚射殺一魚正義曰榮成山卽成山也按史書及前代地理書竝無榮成山予向疑之以爲其文在琅邪之下成山之上必勞字之誤後見王充論衡引此正作勞成山乃知昔人傳寫之誤唐時諸君亦未之詳考也遂使勞山併盛之名成山冒榮之號今特著之以正史書二千年之誤

○楚丘

春秋隱公七年戎伐凡伯于楚丘以歸杜氏曰楚丘衛也在濟陰成武縣西南夫濟陰之成武此曹地也而言衛非



也蓋為僖公二年城楚丘同名而誤按衛國之封本在汲

郡朝歌隱公元年解云衛國在汲郡朝歌縣今衛輝府淇縣懿公為狄所滅渡河

而東立戴公以廬子曹林氏曰曹衛下邑詩所謂思須與

漕廬者無城郭之稱而非曹國之曹也僖公三年城楚丘

杜氏曰楚丘衛邑詩所謂作于楚官而非戊伐凡伯之楚

丘也但曰衛邑而不詳其地然必在今滑縣開州之間滑

在河東故唐人有魏滑分河之錄矣水經注乃曰楚丘在

成武西南即衛文公所徙誤矣被曹國之地齊桓安得取

之而封衛乎以曹名同楚丘之名又同遂附為一地爾

今曹縣東南四十里有景山疑即商頌所云陟彼景山松

柏九九而左傳昭公四年擷舉言商湯有景亳之命者也

詩正義引皇甫謐曰蒙為北亳即景亳是湯所受命也鄘詩望楚與堂景山與京則

不在此也

○東昏

漢陳留郡有東昏後漢志註云陳留志曰故戶牖鄉有陳

平祠而山陽郡有東昏後漢志春秋時曰緡註云左傳僖

公二十三年齊侯伐宋圍緡前書師古曰緡音旻左傳解

緡宋邑高平昌邑縣東南有東緡城史記絳侯周勃世家

攻爰戚東緡以往索隱曰出陽有東緡縣屬陳留者音昏

屬山陽者音旻括地志云東緡故城在兗州金鄉縣界水

經注引王誨碑辭曰使河隄謁者山陽東昏司馬登是以

緡為昏誤矣隸釋酸棗令劉熊碑陰故守東昏長蘇勝則



陳留之東昏也

通鑑註李愬攻金鄉引東  
緡者故陽武戶牖鄉亦誤

○長城

春秋之世田有封洫故隨地可以設關而阡陌之間一縱一橫亦非戎車之利也觀國佐之對晉人則可知矣至於戰國并田始廢而車變為騎於是寇鈔易而防守難不得已而有長城之築史記蘇代傳燕王曰齊有長城鉅防足以為塞竹書紀年梁惠成王二十年齊閔王築防以為長城後漢志濟北國盧今長清縣有長城至東海泰山記秦山西有長城緣河徑泰山一于餘里至琅邪臺入海此齊之長城也史記秦本紀魏築長城自鄭今華州濱洛以北有上郡蘇秦傳說魏襄王曰西有長城之界竹書紀年惠成王十

二年龍賈帥師築長城于西邊此魏之長城也後漢志河

南郡卷

絳侯世家正義引括地志云故卷城在鄭州原武縣西北七十里釋例地名云卷縣所理垣雍城也

有長城經陽武到密此韓之長城也水經注盛弘之云葉

東界有故城始肇縣東至觀水達泚陽南北數百里號為

方城一謂之長城郡國志曰葉縣有長城曰方城又越世

引括地志云故長城在鄧州內鄉縣東七十五里南入穰縣北連翼望山無上之處累石為固楚襄王作霸南上爭

強中國多築列城於北此楚之長城也若趙世家成侯六

年中山築長城又言肅侯十七年築長城劉伯業云後雲

也武靈王時始有雲中正義曰則趙與中山亦有長城矣

以此言之中國多有長城不但北邊也

其在北邊者史記匈奴傳秦宣太后起兵伐殘義渠於是



秦有隴西北地上郡築長城以拒口此秦之長城也魏世

家惠王十九年築長城塞固陽正義曰括地志云固陽縣

界檀陽有連山東至黃河西南至夏會等州此魏之長城也匈奴傳又言趙武

靈王北破林胡樓煩築長城正義曰括地志云趙武靈王

經云百道長城北山上有長垣若頽毀焉自代竝陰山索

日徐廣云西安陽縣北有陰山在朔州絕塞外突厥界下至

也正義曰括地志云陰山在朔州絕塞外突厥界下至

高關為塞徐廣曰在朔方正義曰地理志云朔方臨戎

名為高關也而置雲中鴈門代郡此趙之長城也燕將秦開襲

破東口東口却千餘里燕亦築長城自造陽韋昭曰地名

義曰按上谷至襄平索隱曰韋昭云置上谷漁陽右北平

遼西遼東郡以拒口此燕之長城也秦滅六國而始皇帝

傷蒙恬將十萬之衆北擊口悉收河南地因河為塞索隱

大康地記秦塞自五原北九里謂之築四十四縣城臨河

徙適戍以充之而通直道索隱曰蘇林云去長安白九原

至雲陽索隱曰韋昭云九原縣屬五原正義曰括地志

陽雍縣秦之林光宮即漢之甘泉宮在焉又云秦故道在

慶州華池縣西四十五里子午山上自九原至雲陽千八

里因邊山險澁谿谷可繕者治之起臨洮至遼東萬餘里

索隱曰韋昭曰臨洮隴西縣正義曰括地志云秦隴西

郡臨洮縣即今岷州城本秦長城首起岷州西十二里延

袤萬餘里又度河據陽山北假中北假北方田官主以田

索隱曰應劭云北假在北地陽山北韋昭云北假地名

正義曰括地志云漢五原郡河目縣故城在北假中北假

在河北今屬勝州銀城縣漢書此秦并天下之後所築之

長城也自此以後則漢武帝元朔二年遣將軍衛青等擊



匈奴取河南地築朔方復繕故秦時蒙恬所為塞因河為固魏明元帝泰常八年二月戊辰築長城於長川之南起自赤城西至五原延袤二千餘里太武帝太平真君七年五月丙戌發司幽定冀四州十萬人築城北史作畿上塞圍起上谷西至河廣袤皆千里北齊文宣帝天保二年十月乙未起長城自黃墟嶺北至社千戌四百餘里立三十六戌通鑑註北長城蓋起於唐石州北抵武州之境六年發民一百八十萬築長城自幽州北夏口至恒州九百餘里通鑑註幽州夏口即居庸下口也幽州軍都縣西北有居庸關先是自西河總秦戌築長城東至於海前後所築東西凡三千餘里率十里一戌其要害置州鎮凡二十五所八年於長城內築重城自庫洛拔而東至於塢紇戌凡四

百餘里而斛律羨傳云羨以北鹵屢犯邊須備不虞自庫推戍東距於海隨山屈曲二千餘里其間二百里中凡有險要或斬山築城或斷谷起障并置立戍邏五十餘所周宣帝大象元年六月發山東諸州民修長城立亭障西自雁門東至碣石隋文帝開皇元年四月發稽胡修築長城五年使司農少卿崔仲方發丁三萬於朔方靈武築長城東距黃河西至綏州南至勃出嶺綿歷七百里六年二月丁亥復令崔仲方發丁十五萬於朔方以東緣邊險要築數十城七年發丁男十萬餘人修長城大業三年七月發丁男百餘萬築長城西踰榆林東至紫河四年七月辛巳發丁男二十餘萬築長城自榆林谷而東此又後史所載



繼築長城之事也





